

Uunga siunnersuut: Kommunini suliassa qarfiit aqqissuuteqqinneqarnerata allanngortinneqarneranik Inatsisartut inatsisaat nr. xx, xx,xxx 2016-imeersoq (Qaasuitsup Kommunia marlunnut avinneqarnissaa).
(Naalakkersuisut Siulittaasuut)

Saqqummiussissut
(Naalakkersuisut Siulittaasuut)

Siullermeerneqarnera

Naalakkersuisut sinnerlugit Kommunini suliassa qarfiit aqqissuuteqqinneqarnerata allanngortinneqarneranik Inatsisartut inatsisaannut siunnersuut matumuuna saqqummiutissavara. Saqqummiutinnginnerani tunngavissaqarlunga ajuusaarutigissavara, Naalakkersuisut kingusinaarlutik inatsisissatut siunnersuut una nalunaarutigisariaqarsimammasuk. Naatsumik oqaatigalugu, inatsisissatut siunnersuutip piffissaliussat naliginnaasut iluanni naammassineqarsinnaasimangilaq, tamanut ammasumik tusarniaatigineqarnerata saniatigut Qaasuitsup Kommuuniani kommunalbestyrelsip kommuunip avinneqarnissaanut innersuussutaat aamma eqqarsaatigineqartariaqarsimanagera peqqutigalugu.

Naalakkersuisut kommuunit KANUKOKA-lu peqatigalugit Naalakkersuinikkut Ataqtigiissaarisoaqtigiinni Qaasuitsup Kommuniata avinneqarnissaa arlaleriarlutik eqqartorsimavaat.

Kommuunimi 25. marts 2014 Qaasuitsup Kommuniata avinneqarnissaa pillugu inuit taasisinneqarput, tassanilu taasisuni amerlanerussuteqartut Qaasuitsup Kommunia kommuuninut nutaanut arlalinnut avinneqarnissaa kissaatigalugu taasipput.

Naalakkersuisut isumaat malillugu, kommunip avinneqarnissaata kingunerisinnaasai pillugit paasititsiniaanerit inuiaqtigiit taasisinneqarnerat sioqqullugu naammaginarsimangillat. Aalajangiinissamut tunngaveqarluarnerujumallutik Naalakkersuisut siunnersuisuniit marlunnik nalunaarusiortitsisimapput, kommunip avinneqarnissaanut atatillugu aqutsinikkut aningaasaqarnikkullu kingunerisassai sukumiinerusumik paasiumallugit. Nalunaarusiat marluk taakku siusinnerusukkut ilisimatitsissutit Inatsisartunut nassiinneqarnikuupput.

Nalunaarusiani inernernit pingaernerit ilaatigut makkuupput:

- Kommuunit nutaat pilersinneqarnerannut ingerlanneqarnerannullu annertuunik aningaasartuuteqarnerusoqassaaq. Aningaasartuutit taakku pinngitsoornatik matussuserneqassapput, nunatsinni tamanit imaluunniit illoqarfinit pineqartunit matussuserneqassanersut apeqqutaatinnagu.
- Kommuunit nutaat mikinerusut piukkunnaatilinnik sulisunik atorfinitsitsinissaminnut sulisoriinnarnissaanullu ajornartorsiuteqarsinnaasut.

- Aammattaaq kommuuninut allanut naleqqiullugu suliassanut Namminersorlutik Oqartussaniit kommuuninut nuunneqartussat naammassinissaannut kommuunit nutaat mikinerillu kivitsinissamut artorsarnissaannut nalorninarloqarluni.

Qaasuitsup Kommuniani kommunalbestyrelse tamakkiisoq Naalackersuisunut innersuussuteqarpoq, kommuni piusoq kommuuninut marlunnut nutaanut avinneqassasoq. Kommuunimut siullermut kommuuniusimasut uku ilaassapput:

Qaanaap Kommunia,
Kommuneqarfik Upernavik,
Ummannap Kommunia, aamma
Ilulissat Kommunia

Kommuunillu aappannut kommuuniusimasut uku ilaassapput:

Qeqertarsuup Kommunia
Aasiaat Kommunia
Qasigiannugit Kommunia
aamma
Kangaatsiap Kommunia.

Tamanna tunngavigalugu inatsisissatut siunnersuut Naalackersuisut saqqummiuppaat, inatsisissatut siunnersuummiippat sinaakkutissat pisariallit, 2017-mi kommuunimut qinersinermi kommuunit aaqqissuussaananerannut nutaamut qinersinertut ingerlanneqarsinnaanissaanut. Naalackersuisut naliliippat, avannaani kommuunimut qinersinermi qinersisartunut attuumassuteqarneq inatsisinullu naapertuussineq amigaatigissagaat, kommuunip avinneqarnissaa annertuumik politikikkut isumaqatigiissutigineqartoq qanillipat. Inatsisissatut siunnersuummiippat kommuunini nutaani ikaarsaariarnermi ataatsimiititaliamik qinersinermut inissitsiternissamullu malittarisassat, aammalu Qaasuitsup Kommuniata marlunnut avinneqarnissaanut aalajangersakkat.

Tusarniaanermi akissutini erserpoq, nunatta sinnerani inuiaqatigiit kommunip avinneqarnissaanut aningaasartuutunik akileeqataarusunnigitsut. Naalackersuisut siusinnerusukkat oqaatigereerpaat, kommuunip avinneqarnissaanut aningaasartuutit, kommuunip avinneqartussap nammineq matussusissagai. Taamaattumik Naalackersuisut nalunaarutigisimavaat, apeqqut taanna pillugu oqaloqatigiilernermi tamanna aallaaviussasoq. Soorunami aaqqiissutit nassaarineqartut naapertuuttuussapput oqimaaqatigiissuullutillu. Maluginiarneqassaaq, Avannaani kommuunip avinneqarneranut aningaasartuutit annertussusaat maannakkuugallartillugu naluneqarmata, tassami suli missingersuutivinnik sanasoqarnikuunngimmat. Taamaattumik Naalackersuisut tassunga tunngatillugu maannakkuugallartillugu aalajangiinissamut tunngavissat amigartutut nalilerpaat. Tassungalu tunngatillugu Inatsisartut aamma aalajangeeqataanissaat naatsorsuutigineqassaaq, aningaasanut inatsimmi aningaasat atorineqartussaammata.

Kommuuninut qinersinerup tullianut 4. april 2017-mi ingerlanneqartussami ikaarsaariarnermi ataatsimiititaliat marluk Qaasuitsup Kommuniani qinerneqassasut siunnersuutigineqarpoq, ataatsimiititaliallu taakku kommuunip avinneqarnissaanut piareersaasuussallutik. Qaasuitsup Kommuniani kommunalbestyrelsip piffissaq atuuffia ulloq 31. december 2017-p tungaanut

sivitsorneqassaaq. Taassuma kingorna ikaarsaariarnermi ataatsimiititaliat marluk kommunalbestyrelsitut nutaatut sulilissallutik.

Qinersinerit kommuuninut qinersisarnerit pillugit Inatsisartut inatsisaanni aalajangersakkat naapertorlugit ingerlanneqassapput.

Taamatut oqaaseqarlunga, Naalakkersuisut sinnerlugit inatsisissatut siunnersuut Inatsisartunut suliarisassanngorlugu tunniuppara.